

梅陽江侍御奏議

下

陳石如贈

梅陽江侍御奏議目錄

卷一

奏劾莆田田賦不均請 飭量爲增減疏

請重定稅則除去雜費片

劾蘇松太道瑞澂串同奸商運米出口片

劾辦理新政藉公行私片

擬科道員缺不宜議裁疏

奏請修改都察院章程疏

劾都御史陸寶忠立法箝制科道片

奏議御史升轉科道不宜由都御史擬定正陪片

奏請御史俸滿勿拘舊例截取片

目錄

奏參大理院少卿劉若曾齋戒託遞職名疏

奏請提議修改都察院新章疏

請妥訂警員升轉處分章程疏

請定保舉舉主賞罰疏

劾政治館會議肆爲欺罔疏

劾慶親王父子疏

奏劾王大臣查案疑竇疏

豫備立憲應 詔陳言疏

劾疆臣查辦事件顛倒是非疏

劾江西吉安府廬陵縣民變案辦理未平允片

劾農工商部堂司疏

請以副都御史爲都察院升階疏

請蠲免保送舉貢應交捐免銀兩疏

劾疆臣濫保疏

改官制敬陳管見疏

調和滿漢應 詔陳言疏

請緩裁都察院疏

請飭核新官制疏

請核定官俸片

奏請飭限期清理莆田田賦疏

請飭閩督丈勘閩省民房築火牆以弭火患片

奏請禁止山東典商違例取息疏

請飭京師當商規復定章片

卷二

擬蘇杭甬鐵路持平辦法疏

擬整頓壇廟大祀以昭誠敬而重典禮疏

擬劾廣西營官疏

劾濟字營勇片

辭截取知府呈

劾軍機大臣袁世凱權勢太重疏

請處分陪祀人員疏

駁議攝政王禮節疏 附議七條

擬攝政王禮節說帖

抄呈原摺請 賜省覽疏

奏參莆田縣官吏通同作弊田賦疏

請裁撤興化通判片

論慶親王奉旨世襲罔替覃恩過優疏

請召復勲舊大臣疏

召見進言片

請起用趙啓霖疏

請罷黜袁世凱黨羽疏

請查辦郵傳部侍郎沈雲沛丞參行走梁士詒片

劾江西巡撫馮汝驤疏

請派員查辦唐山路鑛學堂片

請飭疆臣認真裁汰冗員疏

劾洵濤二貝勒疏

請防奸黨藉外交束手挾制起用袁世凱片

劾東三省總督徐世昌收買日本廢鎗片

劾皖撫朱家寶朋比謾欺疏

劾直隸總督端方疏

劾蘇松太道蔡乃煌疏

再劾蘇松太道蔡乃煌疏

請 飭照律議處疆臣疏

劾江西巡撫馮汝驤片

請 飭部改議處分疏

請飭部平議疏

奉旨申飭陳言疏

劾慶親王老奸竊位多引匪人疏

遵諭明白回奏疏

梅陽江侍御奏議

卷二

擬蘇杭甬鐵路持平辦法疏

光緒三十三年十月二十八日

奏爲蘇杭甬鐵路借款相持不下有礙大局謹擬持平辦法
請

飭磋商恭摺仰祈

聖鑒事竊臣伏讀政治官報恭錄

電旨現因蘇杭甬鐵路添借英款一案各處商民頗滋疑懼業
由外務部電知江浙督撫將軍等剴切開導並將原電呈
覽所敘造次成案及此次辦法實係迫於萬不得已外顧
邦交內保路權舍此別無兩全之道着兩江總督江浙各

巡撫杭州將軍按照部發原電迅速多方勸諭於民生樂利必當極力維持勿任輕信謠言致吾民驚疑紛擾以副朝廷曲體輿情安靖大局之至意欽此仰見

朝廷於邦交路政統顧兼籌凡屬有知無不欽感惟查此事在部臣雖委曲求全而商民仍滋生疑懼前後諸臣章疏言之綦詳却而不借無以服英人強之必借更無以服江浙英人不服外患堪虞江浙不服內憂更大本求兩全終恐兩失竊謂成約不可背衆怒尤不可犯要當於萬不得已之時而別籌一協和中外之策聞草約中有儘中國自行購還之語是此款原許隨借隨還矣以一百五十萬鎊計之照借款通例應得之九五折扣亦僅七萬五千鎊而

止若援儘自購還草約一面借款一面還款在中國不過吃七萬五千鎊之虧卽英人更不能以背約相責此一策也英之借款無非賴英政府爲之經紀俟約定後售債票於英人以應此款耳若先行聲明於借款定約之日卽由中國自行包認此項債票其經紀應得之利益仍付與之英旣不失其利亦復何所多求此亦一策也如其不可則此款卽作爲郵傳部出盜認借任作何用與英無涉惟英政府應得常年利息統由政府担任付與以兩省之借款而一國爲認還英人當亦無所藉其口此又一策也總之此事必求於外交一面國際無傷而復不失夫蘇杭甬路自辦之大體庶爲兩全辦法否則欲結與國而先無以

對吾民無論相持不下或至決裂即使勉強聽從恐民必
且疑

國家重四鄰而輕百姓謠言煽惑愈易動搖甚非

諭旨所謂曲體輿情安靖大局之本意也應請

飭下外務部力與英使磋商無以別無辦法致失民望臣爲東
南計爲大局計實則爲

朝廷計愚昧之見未知當否伏乞

皇太后

皇上聖鑒謹

奏

擬整頓壇廟大祀以昭誠敬而重典禮疏

光緒三十四年
四月十五日

奏爲

壇

廟大祀諸多簡慢擬請

諭飭大加整頓一體遵行以昭誠敬而重典禮恭摺仰祈

聖鑒事竊臣自備位言官屢充查齋監禮收職各各差上年正月
月初四日曾劾齋戒不到託遞職名之大理院少卿劉若
曾欽奉

上諭將該少卿交部議處並

諭經此次申諭之後倘再有延誤定行懲處不貸等因外議頗
譏臣毛舉細故自是恐府衆怨不敢復有所陳乃入春以
來目之所見愈益不成事體正月初四日

皇上親祀

祈穀壇臣職監禮份不備數舞用舊衣琴瑟無絃羽籥無翟干
戚無修飾三月十四日祭

先農壇恭親王溥偉恭代行禮臣復監禮從耕大臣無一到班
僅順天府尹率屬從事而已本月十一日醇親王載灃恭
代雲祀

圜丘臣收職名宗人府開送陪祀官六十四員僅收職名二十
七條八旗開送陪祀官二十四員僅收職名十五條部院
開送陪祀官四十一員僅收職名二十八條到班又去過
半法部大理院順天府皆條交而人不到外務部民政部
學部農工商部郵傳部並未開送職名科道陪祀監禮到

亦未齊口欲不言心殊難忍伏案

壇

廟典禮載在

大清會典及臺規者至爲明備中庸曰踐其位行其禮奏其樂敬其所尊愛其所親明乎郊社之禮禘嘗之義治國如示諸掌遠溯聖經近稽

祖制豈故爲是委曲繁重哉誠以人知愛敬則尊君親上之心自發於至誠而不容已國治而天下可平也陪祀極其勞苦無過齋戒三日跼立數刻耳而猶且各懷規避尙望共體時艱鞠躬盡瘁耶或乃爲之說曰方今四方多故禮樂未遑新設各部皆辦要政勢難兼顧奏准有案至舊部堂

司託遞職名相沿已久更無足怪天下事可議多矣獨奈何苛及小節臣則以爲自辦新政至今成效未見輒費不貲斷不應獨儉於祭祀新部公事雖多必不多於我

皇上之日理萬幾軍機大臣之贊襄機務

皇上親詣行禮矣醇親王以軍機大臣代行禮矣不聞事因而廢而謂一部堂官六七日星期一休息獨至祭祀之日遂無一人閒數刻暇也將誰欺乎竊謂爲此奏者直是張大其事以便其黨援引之私而恣其驕奢淫佚之性舊部則所謂尤而效之者蓋亦思優歌燕會窮極奢侈權要壽節爭效趨承衙門愈新奔競愈甚津貼愈厚徵逐愈多顧於

國家鉅典所在抱殘守缺駿奔乏人揆諸情理其逆順爲何如也現太常歸併禮部該部正設禮學館應請

諭飭先將樂器衣服修理徵召精曉音律名儒教授雅樂并卽通行新設各部嗣後均應開送陪祀毋得藉詞推諉其都察院查收職名不必另行派員卽令監禮御史兼充俾得臨時查點庶肆者漸學爲敬僞者亦歸於誠綜核名實之道未始不由此基之更無待論及天人感應矣臣極知斯言一出開罪更衆但念白日共見倘任謾欺暮夜無知更誰究詰據實以陳亦足見參劾查無實據者非盡拾報館之浮言橫加汙鑣特無人焉肯破除情面以發其覆也區區之心是否有當伏乞